



DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICO - CHIRURGICA,*

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesimo-quarto
mensis Februarii, anno Domini M. DCC. LII.*

M. CLAUDIO-ANTONIO RENARD,
Doctore Medico, Præside.

*An ad sistendam membrorum rescisioni supervenientem hæmorrhagiam, detur
artificium tutius vasorum ligaturæ?*

I.



NATOMICIS cognitionibus, physicis inventis, incon-
cussis ratiociniis, utilioribus observationibus, tutiori ac do-
lorificâ minùs Chirurgiâ medendi artem illustrare Medici
munus est. Quod assiduo labore ac iteratâ experienciâ com-
perierunt Veteres, illud subtilioris Neotericorum physices
confirmant principia. Illi rebus in medicis versatissimi non
minori studio Chirurgiæ progressui proviserunt, A diris calculi doloribus

* M. Urbani de Vandenesse,

A

calculosi vesicam liberabant; Lithoromiâ; Ossium capitis fragmenta cerebrum lædencia tollebant; Terebratione; Pectoris cavum à pure collecto mundabant; Puncturâ; ferro ac ustione Ramicem debebant; Membrorum luxata fractave ossa arte reponebant ac curabant; Artus gangrenâ aut sphacelo tactos abscondebant. Dubitas? Hippocratis, Celsi, Galeni, Oribassii, Actii, Pauli Æginetæ, Albucasis, quæ extant, opera pervolvias; non plura de Chirurgicis amisisse fateberis, quæ illos non latebant. Sanguinis circuitum, susurras, ignorabant Antiqui? Si quid ipsos fugit aut fefellit, quod nunc innotescat, in artis splendorem vertatur & in agrorum salutem ac solatium. Œconomix animalis legibus magis consonam adhibe methodum, quo poteris, pressiori pede Naturæ vestigiis insiste, hanc agentem imitare, tutus eris. Hoc & ad ipsammet Chirurgiam pertinet monitum; licet enim illa saniores tutetur partes promptâ ac violentâ læsarum separatione, dum viciata à sanis successivo ac tacito veluti molimine Natura rejicit; summa tamen Chirurgus semper laus erit, ipsius simplicitatem assecrere, doloris aculeos vitare, inevitabiles mitigare, ac supervenientia tractationi incommoda præcavere. Hâc percussis veritate, quos apud saniores, pro tempore, Medicinæ præcepta valuerunt, hanc sui muneris partem adimplere in quibuslibet Chirurgiæ operibus aggressi sunt, & præsertim in excogitandâ valentiori methodo, quâ nimiam inter secandos artus sanguinis profusionem averterent; diuque in hoc revolvendo lapide frustra insudarunt. Constantiores forsân & magis uniformes, nisi curiosâ humanitate permoti, nimis folliciti, huic malo occurrere allaborassent; aut si novâ vulnere partes sensibus obvias vellicare pertimuisent, quas profundiores digitisque impervias Naturæ curis sanandas commississent. Silentio prætermisissis ergo variis membra decurtandi apparatus, hujus ævi gratulabimur Chirurgis, quod complicatorum ferramentorum & organorum farraginem justâ lance ponderantes ab eâ abstinerint, tamquàm ab operantis imperitiæ subsidio, nedum ingenii sagacitatisque indicio; & quod simpliciorum cultellorum ac ferrulæ armamentarium, licet Antiquorum munificentia donum, non spreverint; illud è contra ad praxim utiliter revocaverint.

I I.

APPARET, Celsi temporibus, in compescendâ superveniente artuum rescisioni hæmorrhagiâ, non multam sollicitudinem fuisse adhibitam; & debitam simplicitati non secûs ac prudentiæ palmam hujus ævi Medicis assignandam esse. Juxta illum Autorem, spongiam aceto madidam vasorum hiantium osculis apponere sufficiebat; nullasque præter astringentia levia, in frigidantiave aut bibula medicamina, potentiores medicinas recenset ille, ubi de sanguinem sustentibus agitur; quamvis asserat: *(a) multos patientes sepe in ipso opere, vel profusione sanguinis, vel animi defectione mori.* Cautionem applicationem, novum variorumque tormenti genus superadditum refert Paulus Ægineta *(b)*, quo sine, pro diversâ partium quibus applicabantur, figurâ, igne. candentibus ferramentis variâ ductâ sunt formæ. Quæ quidem methodus & agrotantium animum, simul & crudelitatem adhibentium apprimè denotat. Quantus amor vitæ? Ignito ferro suas carnes secandas, vivos se deurendos, membra dilaceranda, dilacerata, cruentaque ac præ dolorum cruciatu palpitantia adhuc, perfundenda oleo bullienti similibusve liquoribus, patientes devovisse quis putet? Atrocem hanc praxim mollior ac mitior fugavit pietatis motus, verum non perpicacior, dum cautera suavitè potentialia; ipsis enim nullo modo cessit hæmorrhagia, quam

(a) Celsi lib. 7. cap. 33.

(b) P. Ægin. de re Med. lib. 4. cap. 13.

tunc inter symptomata periculi pleniora annumeratam legimus, & acerbiori medelâ agriorem factam libenter credereimus. Aliàs quis non animadvertit, quantum indicationi fumendâ, scopoque intento, ut & Naturæ curis adversa sit causticorum quælibet classis, quæ partes amburendo & molestè vellicando, inflammationem, febrim, convulsiones, gangrænâ, & infestam accidentium *syndromen* certò certius invehunt. Posthac, ad multiplicis seriei laqueorum admotionem confugerunt, quibus equidem pars obstupefcit incidenda, dolorisque sensus obrunditur; ast laxatis habenis quid tunc? Arteriarum de novo dehiscunt ora, furit sanguis è carcere. Hæc igitur ut & similia Fabricio ab Aquapendente licet utilia visa fuerint; ipsius tamen non omninò satisfecere votis, qui, non omni exterfo præjudicatæ opinionis fucò, in demortuo partem secabat, Vigonis praxeos in plurimis æmulus, & actuali deinde cauterio ablumebat quidquid vitiati reliquum. Ipsi Hildano, Fabricium ab Aquapendente ob illud fugillanti, placuit etiam vasorum ostiis ignito ferro crustam inurere. Parei debetur sagacitati, ut ipsemet affirmat (c) magnorum vasorum sanguinem vomentium orificia filo injecto obturandi methodus. Apagè quòd aliquid de laudibus meritò huic perillustri Chirurgo tributis demere velle videamur; attamen à vero prorsus alienum non est, illum rectius ex lectione capitis quinquagesimi septimi libri primi * Albucafis, quem cum fastu alibi commemorat (d) hanc immediatæ vasorum ligaturæ ideam excepisse, quàm ex ambiguis Galeni verbis, oblivione omninò deletum illud artificium, summo ingenii acumine, expiscatum fuisse. Ligaturam mille modis ornatam ad perfectiorem ferre gradum postea tentavit complurium saltem industria; vel figurâ acuum mutatâ, vel inventâ forcipe, quâ exterius traheretur resiliens arteria, huicque superius immitteretur laqueus. Fuerunt, qui, fibulæ carnearum fasciculo cum vase colligato, frænum firmare aggressi sunt, simul & appposito arteriæ lateri penicillo arctius strinxerunt. Nec dubitandum est quin ligatura tractui vasorum exterius admotâ, torcular dicta, quæ sectionis tempore, aut ipsâ peractâ, sanguinis in parte rescandâ moraretur affluxum, aliùs aptioris structuræ vinculi, pro hæmorrhagiâ sistendâ ideam procreaverit; felicissimo equidem ausu, ni diuturniorem gravioremque ab illâ pressionem, ut plurimum, exciperet partium subiectarum torpor & ipsamet gangræna. Habeatur solum ille compressoris apparatus tanquàm temporarii præsidii genus. Paribus itidem rationum momentis, abstinendum videtur ab artificiosa arctiorique partium deligatione, quæ priori ligaturâ haud utilior est; sed sæpè sæpius diros ob effectus, varias nempe inflammationis species, convulsiones &c. æquè nocet. Uno verbo plurima vetant ne nimium hisce præsidii confidas veluti periculo vacantibus; sæpè enim ligaturam declinavit arteriæ situs; sæpius modò confecta cessit, aut postea repetito sanguinis nisu lacerata excidit; sæpissimè tandem iusto citius elabitur, in robustis præsertim ad succo plenioribus, in quibus ad contusas proindeque inflammatas ligaturâ partes, promptior ac copiosior affluit suppuratio; hinc recrudescit hæmorrhagia quæ prius adhibitam artem eludit. Ad absorbentium, ad stypticorum effectus, ad causticorum etiam cum ligaturâ sociatorum iocommoda attendenti planè

* Et est perdifficile placare malum aut sistere sanguinem arteriarum quæ sunt in perpetuo motu. Cum ergo accidit alicui illud tunc curiosè & artificiose manu tuâ ostium arteriæ & pone super ipsam dignum tuum indicem, & stringe eum multum donec retentus sit sanguis sub digito tuo, deinde & scis quòd quando arteriâ fuit sanguis, tunc non est possibile abscindere ipsam, præcipue quando arteria est magna, nisi uno quatuor illorum modorum, aut cum cauterio sicut diximus, aut cum extractione, cum

extrahi potest, nam quando extrahitur, contrahuntur extremitates ejus & sistitur sanguis, aut ut ligetur cum filo ligatione forti, aut ut ponantur super ipsam Medicinæ de proprietate quarum est abscindere sanguinem, & stringatur cum pulvinaribus strictione decenti. Qui autem administrat abscissionem ejus, aut ligamentum & stridum cum panno, aut positionem rerum comburentium & finitium non cogit, fert nisi admodum raro. Bassiac 1591. in-fol.

(c) Opec.
lib. 12. cap.
35. Edit. par.
1628. in-fol.

(d) Ibid. lib.
24.

patet, quàm leve hæc hæmorrhagiæ vel præfenti, vel imminenti ponant impedimentum. Præterea quantâ cum difficultate hæc ipsa tutò injicitur ligatura? qui dolores? quot accidentia accersit? quot ex puncturâ, ex distractione, vellicatione & compressione partium nervosarum instant mala? Quàm certa exardet febris? quot laceffunt indefinenter convulsionem insultus? Quàm longo tempore perrennant? Quid plura? nec labori nec sollicitudinibus parcent, ut illa securè superent obstacula. Summâ cautione digitorum arteriæ officio, Albugalis forsan suafu, utiliùs ad mentem P. Æginetæ*, appositum quandòque tenere coguntur, ut æqualis stet diutiùs compressio, sicque malum allevare moliantur, quod, omiffâ ligaturâ, certiùs averruncassent. Nec fitebimur illam methodum nuperrimis hisce temporibus propositam, cujus simplicitas successusque decantati sunt; hanc, ut & recensitas alias, explorandam judicamus. Etenim officio suo deficeret Medicus, qui remedium effectus ad genuina physices principia non revocaret, ut exinde, & ex severâ aliarum circumstantiarum faventium vel pugnantium comparatione, de remedii pretio judicium eruat.

* In partibus ex quibus sanguis erumpit contraria finibus figura conducit. Hæc autem est ea quæ sursum spectat sed neque hæc immoedia exitat; periculum est enim ne dolor oboriatur & vas rursus tinguinem fundat, nihil

enim magis singulis eruptiones movet & inflammationes auget quàm dolor. Verum in partibus sanguinem fundentibus statim digitorum ad oscium uterius circa vasculum obdita ut leniter sanantur citràque dolorem pieant. P. Ægin. ib.

III.

UT tutò sisti queat præfens hæmorrhagia, aut instans avertatur, plurima scitu sunt necessaria. 1°. Noscenda potentia, ac scrutandæ vires unitæ causarum à quibus procedit illa. 2°. Estimanda resistentiæ summa harum opponenda nisi. 3°. Exactâ comparatione hæc omnia inter se proportionanda, & ex his in disquisitionem vocatis, par ne sit an impar oppositus obex deducendum est. In genere dicere licet multos incidere casus, in quibus resistentiæ species quævis, & à fortiori plurium coadunatio ac concursus nissum ita superent, ut absque periculo quædam ex his præfidiis negligere possit, tanquàm cautionis ergò quodammodò adhibitis. In aliis ambæ hæ potentie ita inter se æquilibrantur, ut à causis accidentalibus non adactâ impulsione solitâ, resistentia, quæque sit, sustinendo impetui sufficiat. Ast non eadem speres si nissus in obstaculum insurgens momenti gradum adipiscatur, tunc ad novum resistentiæ gradum possibilem recurrendum est. Tertia tandem dabitur casuum species, in quibus fieri non poterit ut resistentia æquiparetur potentiæ contranitenti; cujus idcirco effectus & incommoda non poterunt declinari. Præmissis hæc propositiones elucidabit sanè hæc Architecturæ hydraulicæ pars, quæ de solidiori molium, aggerum & aliorum adversus aquarum incurfus munimentorum constructione præcepta tradit. Licet enim in utroque opere ab altiori loco æquè possit imminui liquidorum impetus & vis; attamen illud inest discriminis quod fervetur aquis liber exitus; dum è contrâ ubi hæmorrhagiæ sistendæ mens est, nullum sanguini per sectam partem sinendum erit effugium, vel si quid effluerit, pro nihilo habeatur. Alia nascitur etiam differentia ex diversâ naturâ parietum alvei per quem utrumque liquidum decurrit; aggeres enim qui totum allidentis aquæ pondus sustinent merè passivi sunt, & irruenti solummodò resistunt, quod quidem præstant & ipsa vasorum latera, sed insuper alternis percussionibus ex nativâ fabricâ premunt fluidum ipsa distendens, ejusque pressionem compensant. Perpendamus nunc quænam sit vincenda potentia; æstimemus quanta vis ipsi insit; qui tandem opponendus obex. 1°. Sistendus sanguis pulsus motu cordis ac vibratione ingeminatâ arteriarum. Alferre hujus potentie momentum nosci supponimus, non secus ac illius aug-

mentum à suspensione circulationis ob præsentem irritationem ac dolorum
severitatem productum. 2°. De habituali suo circuitu deturbandus sanguis,
ut nova reliqui fluidi derivatio instituatur versùs alias partes. 3°. Requiritur
ut habità ratione hujus adventitiæ determinationis sanguis sibi novum
sternat iter, & mutato cursu directo, collaterales vasorum ramos ingrediatur
ipsos amplius & explicet; quod absque vividiori cordis ac arteriarum
actione, vel summâ vasorum laxitate fieri nequit. Quibus addatur oportet,
violentior impetus, licet non continuus, à causis accidentalibus excitatus, scilicet
ab animi pathematibus, inflammatione, insomnia &c. Noscitur faciliè quan-
ta vis insit potentiæ, quæ continuò obstaculum pellere aggreditur; quâ cau-
tione vitanda sit ad unicum punctum nifuum collectio, & consequenter
quantùm interfit conatuus impetus inter plura dividere, uno verbo illos in-
fringere. Prævidetur etiam qui futurus sit hujus conspirationis eventus, ac
vis vibrationum in obstaculum impingentium. Quantâ ergò cum prudentiâ
allaborandum est ut à longè dividatur, temperetur, & ut ità dicam, mol-
liatur nifus ille non omninò tamen destruendus. Quò minor erit sanguinis
massa, eò promptius ac faciliùs fiet nova illius distributio, fiet pacatius, &
absque procellis eò magis pertimescendis, quò copiosior abundat sanguis
vasorum interim oblectante liberiori diductione. Quò minor erit sanguinis
massa, eò debilior dabitur & cordis & arteriarum actio, ob stabilitam pro-
portionem inter vires pulsantis potentiæ & corporis pulsati resistantiam, ob
momenti gradum ex utriusque consociatione constantem. Aliàs quò lentior,
remissior & tranquillior horum actio, eò languidiùs arietabit fluidum in ob-
stem oppositum, quem mollius lambet, etiamsi in medio ferè cursu derinea-
tur & antequàm motùs acquisiti integram quantitatem impenderit. Quò se-
verteret illud vitæ principium? quid efficeret propensio illa spontanea & mu-
tus singulorum organorum consensus ad impetum facientibus reclusus, ad
totius corporis conservationem à divinâ creatoris providentiâ cuique individuo
insufflatus; hujus agendi normam arguunt, quæ multis in casibus prodidit
stupenda. Sectum vas arteriale, propriæ creditum actioni, retrosiliens ad vi-
ciniore se recipit partes, intus se abscondit, favente quâ constat texturâ, &
allabentem sanguinem expellit indefinenter; is primum rapidè erumpit: segnior
postea fit illius effluxus propter communem toti machinæ languorem & de-
bilitatem; animo linquitur vulneratus; sistitur sanguis: jejuna arteriæ latera
concidunt, invicem applicantur, imminuitur sensim valis *diameter* ad pun-
ctum usque in quo cessat ab interno distensio & *irritabilitas*, applicata latera
coadunantur, obturatur cavitas & illa valis portio abit in ligamentum. Cæte-
rùm suppressio semel sanguine, lege quidem non ab simili ac in sauciatis
partibus carneis, reliqua ut in iisdem vulneribus perficiuntur. Volue-
runt nonnulli, à thrombo, seu sanguine coagulato vas illud occludi, cum
quò ipsi parietes coalescerent. Hujus quidem opinionis mentionem hic per
transennam addere satis erit. Illud enim non fert motùs directio, non docent
suppurationis leges usû receptæ; huic adversantur & fluidi & applicatorum
natura, observationes à cadaveribus sumptæ; huic denique neutiquàm favet
incumbens aneurisimati spurio, seu vulnere arteriæ, tumor crescens à sanguine
dimanante ac coacervato in cellulofum textum, iisdem mutationibus obno-
xio, quas patitur sanguis ubicunquè extra vasa diffusus. Patet ex dictis quàm leni-
tâ, quàm successivâ, quàm quietâ molitione opus suum suscipiat ac perficiat Na-
tura; non violentos adhibet nifus, non ponit obstacula novas paritura tra-
gedias; torrenti ambitiosè grassanti repagula non astringit. Huic deli-
catulam instrumentorum, quorum ope medetur, compagem ac fragilitatem

innotuisse putares; hanc & proinde istorum appositioni ac stabilitati provi-
disse, minoremque in resistentiâ fiduciam habere, quàm in virium contrani-
tentium imminutione.

I V.

EX remediorum à Cello memoratorum expositione & à successivâ serie eo-
rum quæ sistendâ hæmorrhagiæ causâ adhibuerunt alii, concludendum
est, varias & à mente Celsi discrepantes methodos inventas fuisse, ut illicd ac
quasi ad nutum voluntatis sisteretur sanguinis profusio, spe forsân promptioris
curationis ac convalescentiæ; pro nihilo intereâ habitis quibus cruciabantur
ægri infandis doloribus. Labori sanè parcuissent isti & ægrotantium angoribus, si
quibus rationum momentis ducti fuerunt Antiqui attentè disquisivissent. Frustrâ
Veteres ignorantia & negligentia reos damnavit Posterorum ambitio. Hoc
crimen eluitur facili, ut pote quòd illorum artificium nixum demonstretur
cognitionibus & observationibus. Credere quippè fas est quòd imminutâ
sanguinis copia & vasorum elasticitas facta debilis ac prostrata, atonia tan-
dem species & *isæmias*, quâ procumbit ægrotans, hæc omnia, inquam,
vel leviori præsidio securitatem & palmam assignare debeant. Misericordiâ
aut sollicitudine intempestivâ commotus hanc suspensionem in circuitu san-
guinis, imprudenti cardiacorum usu, si non perturbes; si lautiori cibo hu-
morum jacturam citò reparare non studeas; si nulla moveatur febris ab ir-
ritatione internâ vel externâ; si nullo tumultu percellatur tranquillitas, quam
requirit Natura ut partes ad coalitionem tendentes firmet, ac tutâ obducât
cicatrice, ab Antiquis usitata sufficient præsidia. Affirmare quippe non licet
omnes hæc methodo olim tractatos periisse; cur ideo negaretur ille Naturæ
mechanismus; cum hanc denuò similis operantem viderint oculi supra cap-
tum humanum illusioni cedere impares. Testem vocamus omni laude majorem
Boerhaavium, & in probationem adducemus, quæ habet Aphorismorum
nº. 160. enarrationemque ipsam Clar. Wan-Swieten ad hunc locum. Ast
sanguini relinque impetum, quem mutuatur vel à nimia quantitate, vel ab
accelerato motu circuitûs, qui retardationem ipsius sequitur, vel à partium
nervearum irritatione; frustra ipsum furentem subito frænare cupies, aut mi-
nori spatio continere; tunc enim temporis, quicquid apponetur obicis, pul-
sabit, ac injectas frangat ille compedes; fluctibus, causticorum actualium vim
extinguet; vasorum orificiis adnata quolibet momento tolletur crusta aut te-
naciùs adhærens suâ præsentia molestat; exsiccatæ dilacerabuntur partes.
Arteriæ igitur coalitionem & obturationem nil efficacius promoveret & proinde
sanguinem sistit, quàm ex absolutâ debilitate quies, quâ durante, vulneratus
nullos persequitur cruciatus, & in ipso mortis limine ferè crederetur, quod Græ-
ci voce *isæmias* significant. * Verum ut status huic similis obtineatur, omnimo-
da requiritur quies, doloris absentia; absit inflammatio; pruritus nullus, nulla *es-
chara*. Conducunt ergò somnus, vasorum depletio, laxatio, victus tenuis, mollis
lectus, situs corporis accommodatus, calor *atmosphære* ad sexaginta circiter gra-
dus thermometri Farenhetiani temperatus. Præmissis autem sanguinis missionibus
pro ratione virium, illa quies conciliabitur usu opii in menstro appropriato soluti
& ipso cortice peruviano prudenter associato, qui febrem, perpetuam puris scatu-
riginem, arcebit. Fasciæ autem juxta ritum eidem scopo respondentem disponan-
tur. Exulent ergò astringentia, comprimentia: exulent cauteria, & olea arden-
tia, quæ comburendo gangrænam inducunt & destruendo noxia & *contrariantia*
Naturæ habenda sunt; exulent ligaturæ cujuscunque speciei, quibus semper in-
flammati, dolor, convulsio, nova febris ex puncturâ succedunt, & ex iis
confectaria, suppuratiões abnormes & gangræna. Sic inanita vasa collabun-

* Vide Sue-
son. ad Cæ-
sar. Aug. vest.
ân.

7
tur & compinguntur; perit omnino cavitas. Id probat canalis arteriosus sanguini in adultis impervius, & in ligamenti naturam conversus; probant vasa umbilicalia, etiam post horariam compressionem absque ligaturâ aut post molles morsunculas, qualiter in brutis, sanguini aditum denegantia, & solidescantia. Quod & simul in memoriam revocare debet, quantis doloribus prematur infans, quanto labore habitualis mutetur sanguinis circuitus, eveniat nova distributio. Nec est cur coerciti sanguinis commodum ad sympathicæ aut specificæ virtutis arcana referamus, ut forsân vellent nonnulli, in gratiam nuperrimè inventi remedii, quod desumitur ex Agarico querno pedis equini facie J. R. H. Hujus frustum, post aliqualem mundationem, arteriæ orificio imponitur, cui alterum sternitur & ambo sic posita deligatione idoneâ in situ continentur. Huic methodo pervicaciores cessuras hæmorrhagias, & feliciter coalitura vasorum orificia contendunt. Sed quonam mechanismo id assequantur? Num à naturâ fungi illius, & ab ipsius virtute intrinsecâ id obtineant? Nonnè potius propter salutarem vasorum depletionem & horum laxationem absolutam, nullâ stimuli molestiâ ad contractiones & convulsivos motus excitam? Nonnè propter mollem vasorum compressionem & corporis incumbentiis liberam intimioremque applicationem? Quod æquè salubriter præstarent pellis Rupicapræ aut corii Vri Bubali lacinæ, ad flexilitatem & mollitudinem Agarici paratæ. Nonnè demùm ex immunitate, aut veriùs ex liberatione ab omnibus illis angoribus ac cruciatibus quibus ægrescit vulneratus, vel dum applicantur recensita remedia Chirurgica, vel dum suâ præsentia suisque effectibus vim inferunt toti machinæ? Id dijudicandum relinquimus illis, quibus cognita sunt genuina physices principia, perspectæ sunt animalis æconomix leges, tutum est & certum iter per observationes & experimenta. Interea tentamur illud novum adhibitæ vel Antiquitùs Medicinali hæmorrhagiarum curæ lucem ac certitudinem affundere confidenter agnoscemus.

V.

ETIAM ipsa ratio sui juris facta primâ fronte meliora non videt, non probat, non sequitur; quidni æmulatio ceteros inter cupiditatum tumultus? Mirandum igitur non est, si Antiquorum Medicina post elapsa sæcula ex oblivionis caligine emergens, & ut plurimum novitatis larvâ abscondita, tam anxie ad suos auctores referatur, & debitum favorem adipiscatur. Sua fuerunt nostratibus quoque, non secus ac Græcis, heroica tempora, artium primordia & quasi incunabula; fuit ipsis sua antiqua Chirurgia, ad quam excolendam, tardam contulerunt operam tum Græcorum, tum Latinorum scripta, paucis tunc familiaria. Proinde nemo est qui non perspiciat quanto cum labore in honorem redierit hæmorrhagiarum medela, quæ apud veteres Medicos vigeat. Minus insuper aridet medicina illa, quod nimis otiosa videatur, sitque potius Naturæ contemplatio & meditatio, uno verbo ars muta, quàm sagacitatis, industriæ quin & audaciæ specimen, fructus & gloria. Æmulum naturæ operantis artificem non solum Naturam imitari decet, juxta quosdam, sed & illam pulchro ausu vincere. Obijciunt illi thraconicè ægris inductam ad plures annos, expositâ à nobis methodo, solidorum debilitatem. Obijciunt liquidorum jacturam, vires enervatas, languoremque totius machine multis ægri tudinibus infestum. Ex adverso opponunt promptam, expeditam & vegetantiam methodo curatorum revelationem, quæ exanthlatos labores gravi usu râ rependit. Utinam promissis staret fides, ipsaque vota implerentur! Verùm quod aliter eveniat, fateri cogunt recensita incommoda, quæ varias methodos chirurgicas sequi superius annotavimus, & ad integram sanitatem ægri ci-

tius non reduces. Præterea quis non anteponet placidam & tranquillam Naturæ veterisque Medicinæ serenitatem violentis illis conatibus disisque cruciatibus, quamvis æquè infida foret, impotens & incerta, & ipsam non confirmarent ratio, experientia, & analogia. Non enim absolute vetat arteriarum in artubus *diameter*, ne adversus externas illas hæmorrhagias valeant auxilia, quæ feliciter sanguinem ex vasis abditis, & immediatam medelam renuentibus sistant. Quotidiè hæc arte saliens ex pulmonum vasis cruor propter vitium internum aut vulnus ab extrinseco illatum, reprimatur, sicut spem rescare deberet perpetuus pulmonis motus. Infelici ictu pertusa arteria ad flexum cubiti repens, imposito papyro dentibus prius commolito & salivâ subacto, conspirante placido sanguinis cursu, & commodâ deligatione quotidie coalescit absque posteriore infortunio. In his casibus vivide elucet Naturæ medentis potentia, simplici artiificio suffulta; celebratur ab omnibus; sed accurata & fidelis hujus imitationis verius quid præcineret auribus, utilius aliquid spiraret ad ægrorum salutem. Semper-ne artis perfectio & laus reponetur in inventis, quæ Naturæ vim inferunt, cique è directo adversantur? Reverà momento sanguinem sistant, opus Antiquis impossibile aut intentatum. Verùm rapidi & inauditi successus non sunt semper lætiores diuturnioresque; suâ ipsâ deteruntur pernicitate; sæpè sæpius præcox famæ desiderium nova sit calamitas, quæ ipsius germen suffocat & comprimit. Terrori locum non sinat ægrorum constantia; illorum animos sustentent & erigant Medicorum virtus & confidentia; quantum à Naturæ beneficentiâ sperandum sit palàm fiet; minùs audacter & inconsultò artis præfidiis occurrent malo; quid valeant ambo, noscent intimiùs, feliciores erunt, & nobiscum concludent.

Ergò ad sistendam membrorum rescisioni supervenientem hæmorrhagiam, datur artificinn tutius vasorum ligaturâ.

DOMINI DOCTORES DISPUTATURI.

<i>M. Dionysus - Pantier de La Breuille.</i>	<i>M. Joannes - Franciscus Paris.</i>	<i>M. Henricus Besnier, Rei Herbaria Professor.</i>
<i>M. Jacobus - Laurentius Mauroy.</i>	<i>M. Dionysus - Claudius Doucet.</i>	<i>M. Joannes Bessé, Doctoria Hispaniarum Regina, dum viveret, Medicus Primarius.</i>
<i>M. Natalis - Andreas Joannes - Baptista Chevreau.</i>	<i>M. Bartholomæus - Tussanus le Clerc, Medicus Regis ordinarius.</i>	<i>M. Antonius de Jussieu, Regi à Consiliis & Secretis, Regia Scientiarum Academia, Regiarumque Societatum Angliæ & Prussiæ Socius, Botanices in Horto Regis Professor ac Demonstrator.</i>

Proponebat Parisiis LUDOVICUS - PÉTRUS - FELIX - RENATUS LE THIEULLIER, Parisinus, saluberrimæ Facultatis Medicinæ Parisiensis Baccalaureus, A. R. S. H. 1752, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1752.